



BRIYANDO FUERTE • TRECIENDO CLARIDAD  
DIAMARS 17 JUNI 2025

**E SIMAN AKI WEGANAN DI  
SOFTBALL TA START  
HOH TA ORGANISADOR OFICIAL  
DI COPA GUBERNAMENTAL Y  
COMERCIAL 2025**



**WWW.SOLODIPUEBLO.COM**



**SOLODIPUEBLO@GMAIL.COM**

## GOLPI DURO! KUSTWACHT Y POLIS TOPA BOTO NARCO CARGA CU DROGA NA ANDICURI

Diasabra anochi Kustwacht a notifica Central di Polis cu nan tin bista riba un boto cu ta direccion pa Aruba. A mobilisa unidad nan mesora pa activa. Kustsurveillance y Departamento di Crimen Organisa (UGC) a mobilisa mesora pa e accion.

Despues di controla den vecindario di Andicuri a bin topa cu un dinghy (boto chikito) na costa. A cuminsa cu un buskeda y ta bin topa cu bultonan di

droga den cercania.

E dinghy y droganan a keda confisca y departamento di Crimen Organisa ta sigi cu investigacion.

No ta descarta cu lo por tin detencion den e dianan nos dilanti.

Trahando den equipo nos lo sigui traha duro pa mantene nos Pais y costanan sigur.



**Despues di ocho  
año  
TOP  
EHECUTIVONAN  
DI CRUCERO TA  
E SIMAN AKI NA  
ARUBA**

**CMB Y CEDE ARUBA TA UNI  
FORSA PA NON-PROFIT  
GOVERNANCE & LEADERSHIP  
CONFERENCE 2025**



**Awo cu 2 florin mas, bo por gana e MEGA PLUS**

**\* Afl. 750.000,-**

**\* Afl. 500.000,- + Afl. 250.000,-  
extra**

Benta ta sera 7:30 pm y sorteo ta hunga 7:45 pm



HUNGA AWO





# Despues di ocho aña TOP EHECUTIVONAN DI CRUCERO TA E SIMAN AKI NA ARUBA

Ministerio di Turismo, Aruba Ports Authority N.V. (APA) y Aruba Tourism Authority (A.T.A.) ta orguyoso di anuncia cu Aruba lo ta anfitrión oficial di e conferencia di crucero Platinum Associate Membership Advisory Council (PAMAC) 2025, un di e eventonan mas importante y reconoci pa e industria crucero na Norte America, Latino America y Caribe. E evento importante aki ta organisa pa Florida-Caribbean Cruise Association (FCCA) y pa e edicion aki ta patrosina a traves di un partnership entre APA y A.T.A.

## Ocho aña pasa a bin caba

Na aña 2017, exitosamente Aruba tabata anfitrión caba di e reunionnan di PAMAC y ta hopi contento di por yama bonbini atrobe na e prestigioso evento e siman aki. Tanto APA como A.T.A. tin lunanan caba ta preparando pa por brinda un experiencia sin igual na tur e ehecutivonan di e industria crucero cu lo bishita nos isla e siman aki. E ultimo PAMAC a tuma luga na Jamaica, pues ta un bon chens pa Aruba por “showcase” nos destinacion dilanti tur esnan cu ta tuma decision riba iterinario y rutan cu e liñanan crucero ta opta p’e. E conferencia di PAMAC ta un plataforma popular cu ta inclui presencia di alto ehecutivonan di e industria di turismo crucero, tanto di liñanan crucero como di otro partnernan den e industria.

## Tema di e aña aki

Un aspecto clave cu e PAMAC Cruise Summit 2025 lo trece pa Aruba ta e oportunidad pa showcase desaroyonan recien, actividadnan y excursionnan disponibel riba e isla como tambe e proyectonan di mehoracion mas importante cu ta andando y tin na caminda. Adicionalmente, e conferencia lo enfoca riba varios topico importante, incluyendo atrae cruceronan mas chikito y luhoso, sin lubida e intencion di por atrae crucero durante e temporada abou. Meta di e iniciativa aki ta pa engrandece e experiencia di Aruba y promove crecimiento sostenibel den e industria crucero. Sostenibilidad ta keda un tema central den e industria di crucero y e conferencia aki lo pone enfasis riba su importancia door di alinea e strategianan di Aruba cu e industria mundial di crucero. Atendencia record

For di momento cu ehecutivonan di APA y A.T.A. a anuncia e intencion di Aruba pa ta “host” di e evento di e aña aki, mesora e entusiasmo a lanta entre e ehecutivonan participante. Na dado momento mester a limita participacion pasobra e

demanda a surpasa tur expectativa, pasando riba 200 participante e aña aki. FCCA ta consider’e un record di atendencia. Tanto APA como A.T.A. ta convenci cu e demanda pa bishita Aruba, pa check e avansenan y con nos isla a desaroya den un di e destinacionnan di mas bunita, limpi y sigur den Caribe, ta loke a atribui na e interes aki.

## Tres dia intensivo

Un PAMAC Cruise Summit tipicamente ta durado pa tres dia y ta inclui un variedad di actividad manera reunionnan, funcionnan y excursionnan. E prome dianan ta facilita interaccion entre ehecutivonan di crucero, partnernan local y representantenan di gobierno. Ta considera e interaccion aki como crucial, prome cu e ehecutivonan di crucero reuni cu e miembronan ‘platino’ mes. Mayoria di e participantenan lo bandona Aruba diabierna mientras otronan a scoge pa plak algun dia di vakantie su tras y asina ta pasa weekend na “e isla feliz”.

## Inversion pa mehoracion

Ultimo añanan, Aruba a conoce varios construccion y renobacion cu a conduci na haci nos isla mas popular y competitivo como destinacion turistico di prome clase. Ambos entidad, tanto APA como ATA a inverti masha den mercadeo, den promocion y den estrecha laso cu e liñanan crucero pa atrae no solamente mas “calls”, sino specialmente den atrae cruceronan mas chikito pero cu miho calidad di pasahero. Esey ta obvio tambe den con a logra subi e cantidad di placa drasticamente cu casa pasahero ta laga atras na Aruba.

Mantencion di facilidadnan

No solamente pa inversionnan haci den exterior sino tambe localmente, pa por a mantene y hasta crea areanan nobo unda e turista crucero por pasa su dia na Aruba. Via fondonan di ATA a percura pa henter un skema di mantencion di e areanan turistico mas uza pa nos turistanan. Den area di waf tambe a realisa hopi trabou, asina APA a crea baño y mas espacio pa sinta pa e pasaheronan y diferente otro mehoracionnan mas.

Embece e area di waf

No por lubida di menciona cu e mesun APA y ATA a cera cabes den un inversion miyonario pa renoba y modernisa henter e edificio bieu di DOW situa dilanti porta di waf. Ey lo bira oficina di APA mientras cu abou lo bira un Visitors Center virtual maneha pa ATA. E pasaheronan lo topa cu un experiencia unico y por cera conoci mas di cerca



cu nos isla como destinacion pa nan scoge riba nan siguiente vuelo di estadia na nos isla.

## Ban muestra nos miho cara

Aruba cu e siman aki ta anfitrión di e PAMAC Cruise Summit 2025 ta un testimonio di e compromiso di Aruba pa excelencia den e industria di turismo. Ministerio di Turismo, Aruba Tourism Authority (ATA) y Aruba Ports Authority N.V. (APA) ta anticipa cu entusiasmo e oportunidad pa showcase tur locual Aruba tin di ofrece, incluyendo ofertanan pa engrandece y fortalece relacionnan fuerte cu ehecutivonan di e liñanan crucero.

## Tocante FCCA

Florida-Caribbean Cruise Association (FCCA) ta un asociacion n cu ta consisti di 23 liña miembro cu ta opera casi 200 barco den laman di Florida, Caribe y Latino America. Funda na aña 1972, e meta di FCCA ta pa provee un foro pa discucion riba operacionnan di crucero, desaroyo turistico, wafnan, operacionnan di tour, seguridad y otro asuntunan di e industria crucero. Door di fomenta mas comprendemento di e industria di crucero y su practicanan di operacion, FCCA ta busca pa construi relacionnan cooperativo cu su destinacionnan partner y pa desaroya partnershipnan bilateral productivo cu cada sector. FCCA ta traha cu gobiernonan, wafnan y tur representante di sector priva/publico pa maximisa gastonan di pasahero crucero, liña crucero y empleadonan di liña crucero, y tambe mehora e experiencia di destinacion y e cantidad di pasaheronan crucero cu ta regresa como bishitante stay-over despues.

Cruceronan miembro:

AIDA Cruises, Carnival Cruise Lines, Celebrity Cruises, Costa Cruises, Cunard Line Ltd, Disney Cruise Line, Explora Journeys, Hapag-Lloyd Cruises, Holland America Line, Margaritaville aAt Sea, MSC Cruises, Norwegian Cruise Line, Oceania, Cruises, Cruises Princess Cruises, Regent Seven Seas Cruises, Silversea Cruises, Royal Caribbean International, Seabourn, SeaDream Yacht Club, TUI Cruises, Virgin Voyages y Windstar Cruises.



# Agentenan nobo cla y prepara

## CLA PA SIRBI NAN PAIS: KLAS 2021 A TERMINA NAN ESTUDIO POLICIAL



MACUARIMA, ARUBA: Siman pasa e ultimo parti di e opleiding basico di klas 2021 a tuma lugar. Despues di 4 aña di a sigui estudio policial na nivel di MBO klas, awor Cuerpo Policial Aruba a haya un klas nobo pa subi caya oficialmente. Como e parti final di nan estudio policial klas 2021 a haci ehercicio pisa.


Como un tradicion e ehercicio ta encera cu ta haci un coremento largo cu a sali for di Savaneta pa Scol di Polis E.J. Watty Vos situa na Fortheuvelstraat San Nicolas.

Na yegada na Scol di Polis nan a wordo ricibi pa Altocomisario Arnhem, hefenan, docentenan, agente policial den opleiding como tambe coleganan di diferente departamento. Despues a sigui un discurso di hefe di Scol pa Polis como tambe Altocomisario Ramon

Arnhem. Palabranan di pabien, elogio pero tambe a enfoca riba e tarea importante cu nan lo bay

eherce den comunidad. Nan a wordo recorda cu Polis tey pa seguridad, integridad y servicio na nos pueblo. Cuerpo Policial Aruba ta desea nos coleganan un bon bini oficialmente den nos Cuerpo. Exito y hopi placer den boso carera policial.





STATEN VAN ARUBA

OPENBARE VERGADERING OP 18 JUNI 2025 OM  
09:00 UUR V.M. IN DE VERGADERZAAL VAN DE STATEN VAN ARUBA

TE BEHANDELEN ONDERWERP

Agenda:

1. Ontwerp-landsverordening houdende regels ten behoeve van de bestuursrechtelijke handhaving van de consumentenwetgeving (Landsverordening bestuursrechtelijke handhaving consumentenbescherming)

De Griffier,

mr.drs. Herman Ch. J. Hek



TRABOU DI MANTENCION RIBA LIÑA  
DI DISTRIBUCION JAMANOTA  
Interupcion di Coriente Planea

En conexion cu trabounan necesario pa mantene un suministro di coriente confiabel, e servicio di coriente lo wordo interumpi:

Diahuebs, 19 di juni, 2025  
8:00 AM te cu 4:00 PM

Den vecindario di:

• Boton (un parti)

• Bringamosa (un parti)

• Jamanota (un parti)

• Jan Flemming (un parti)

• Macuarima (un parti)

• Maria Maai (un parti)

• San Fuego (un parti)

• Urataka (un parti)

• Warawara (un parti)

N.V. ELMAR ta pidi disculpa pa e inconveniencia cu e interupcion di coriente aki por causa.

Bishita [www.elmar.aw](http://www.elmar.aw) pa mira e lista di adresnan afecta.

Danki pa e comprension.





# E SIMAN AKI WEGANAN DI SOFTBALL TA START HOH TA ORGANISADOR OFICIAL DI COPA GUBERNAMENTAL Y COMERCIAL 2025



Recientemente den un sala yen di hungado di softball di diferente instancianan gubernamental y alabes organisacionnan comercial a tuma luga un conferencia di prensa pa anuncia e siguiente Copa Gubernamental y Comercial 2025 cu lo inicia diahuebs awo 19 di juni na veld di Kudawecha. Horacio Oduber Hospital ta e organisador di e Copa e biaha aki y ta sinti'e sigur honra di a haya e oportunidad pa pone bek riba pia. Varios team lo participa y bataya durante 10 dia pa wak ken ta bay cu e copa di campeon riba 29 di juni proximo.

Durante e conferencia di prensa, sr. Gregory Croeze kende ta miembro di Hunta di Directiva di HOH, a expresa na prome luga e honor cu HOH tin pa organisa e copa aki cual ya nan tin un aña ta traha duro pa por logra pone un campeonato grandi asina riba pia. Alabes tambe sr. Croeze a indica cu un

di e motibonan principal pa sostene e tremendo iniciativa aki ta cu deporte ta algo bon pa salud fisico y mental; na final di dia miho salud bo tin menos persona lo mester di cuida medico.

Dr. Dave Lacle representando e comishon di organizacion a gradici tur 12 team gubernamental cu a inscibi y tambe e 6 teamnan comercial cu ta cla pa bataya. No por a keda sin menciona palabra di gradicimento na Balashi como sponsor di e Cpa aki cu sin pensa a join e team di HOH pa forma parti di Copa Gubernamental y Comercial 2025.

Despues di seis aña ta organisa e Copa Gubernamental y Comercial aki di softbal. E biaha aki, HOH tin e honor di organisa e evento aki cu lo tuma luga for di 19 di juni te cu 22 di juni cu ta e prome siman. Diahuebs lo inicia cu wega y diabierna lo tin e ceremonia oficial pa

exactamente 7or cu lo sigui cu tremendo ambiente di Zeta Band. E weganan lo continua riba diasabra y diadomingo.

E siguiente siman, e weganan lo sigui riba 24 di juni te cu dia 29 di juni. E clausura lo tuma luga riba 29 di juni caminda e dos miho teamnan lo bataya pa bira campeon pa loke ta gubernamental y comercial y alabes lo tin tremendo ambiente di e banda local OREO.

E invitacion ta keda na comunidad di Aruba pa pasa Kudawecha Ballpark di 19 pa 22 di juni y di 24 pa 29 di juni. E bar y cushina lo ta bon surti.

Bishita e Facebook di Horacio Oduber Hospital of e pagina di evento di Copa Gubernamental y Comercial pa mas informacion tocante e schedule.

HOH semper t'ey y den deporte nos tambe t'ey!



# DAMA BAO INFLUENCIA A BAHAMAN CAMINDA NA MAN DRECHI RANCA PALO DI LUS Y BAY CAY DEN GREPPEL

Diadomingo madruga a drenta informe di un accidente riba e caminda di Pos Abao pa Hato, mesora a dirigi un patruya na e sitio.

Na su yegada a bin compronde cu aki ta trata di un accidente unda un dama chauffeur coriendo auto bao influencia riba e caminda di Pos Abao pa Hato a baha caminda na man drechi dal palo di lus kibra y bay cay den greppel.

Polis a detene e dama pa a core auto bao influencia y causa accidente. Afortunadamente ningun hende a resulta herida.



# SUPLICA DI HABITANTENAN DI JUCURI PA DRECHA E CAMINDA YENA CU BURACO



Diadomingo mainta a drenta varios yamada di auxilio di habitantenan di Jucuri reclamando cu pa basta tempo nan tin problema cu buraco y cu awor cu tanto yobidanan e awa riba caminda a sconde e buraconan cu si bo kita pa un bo ta dal den dos of mas buraco. D.O.W. atencion urgente

## ANUNCIO IMPORTANTE

### Orario Special

Relaciona cu un evento special pa nos empleadonan tur nos sucursalan y oficianan lo ta cerando mas tempran cu custumber:

17 di juni, 2025  
8:00 AM - 11:30 AM

Nos ta pidi disculpa pa cualke inconveniencia cu esaki por causa.


Due to a special event for our employees all our branches and offices will be closing earlier than usual:

June 17, 2025  
8:00 AM - 11:30 AM

We apologize for any inconvenience this might cause.



# MISS UNIVERSE 2024 VICTORIA KJÆR THEILVIG Y PROME MINISTER MIKE EMAN A PLANTA MATA NATIVO COMO SIMBOLO DI COMPROMISO CU REFORESTACION DI ARUBA



Diasabra mainta trempan, den un acto simbolico na Parke Nacional Arikok, Miss Universe 2024 Victoria Kjær Theilvig di Dinamarca, acompaña pa Prome Minister Mike Eman a planta un mata nativo di Calbas como parti di e plan nacional ambisioso pa reforestacion di Aruba.

Natasha Silva, di Aruba Conservation Foundation (ACF), a splica cu e mata di calbas ta un di e 70 matanan nativo na Aruba. E restoracion di Aruba su vegetacion, ta rekeri cu mester planta cierto mata specifico den areanan specifico pa crea un balansa ecologico. Cada mata nativo tin su

rol den mantencion di e ecosistema cu ta rondone y cada un ta sostiene otro su existencia.

Reforestacion ta crucial pa futuro ecologico di Aruba. Cu e introduccion di mata nativo, Gobierno ta busca pa restaura e paisahe natural, fortalece biodiversidad, preveni erosion, y crea un ambiente mas resistente y resiliente. Reforestacion tambe ta un paso vital den combati cambio climatico y ta yuda proteha nos recursonan natural pa futuro generacionnan.

E presencia di Miss Universe ta trece un atencion internacional importante na e esfuerso,



y ta enfatisa cu e lucha pa proteccion di nos medioambiente ta transcende frontera. E acto simbolico ta muestra con un meta comun por uni hende y forsa pa sostenibilidad y honra nos naturalesa.

Prome Minister Eman a indica cu e plan nacional di reforestacion lo ta un plan intensivo den cual lo haci un yamada civico na comunidad, NGO's, empresanan, scolnan y turistanan, pa forma parti di e rescate di nos ecosistema. Desaroyo acelera durante ultimo

decadanan a costa 70% di Aruba su vegetacion y awo ta e momento pa tuma accion y cambia e rumbo. "Naturalesa ta vincula cu otro, for di e matanan, e bestianan te cu nos lama, cada un ta conecta y ta forma un circulo ecologico."

Tyson Lopez, director di ACF, a bay mas den detaye di con nos ecosistema ta conecta cu otro y di e trabao importante di conservacion cu Aruba Conservation Foundation ta haci na Aruba.

E presencia di Miss Universe ta trece un atencion internacional importante na e esfuerso, y ta subraya cu e lucha pa proteccion di nos medioambiente ta transcende frontera. E acto simbolico ta muestra con un meta comun por uni hende y forsa pa sostenibilidad y honra nos naturalesa.

Gobierno di Aruba ta gradici Miss Universe 2024 pa su apoyo simbolico y ta reafirma su compromiso firme pa un Aruba mas berde, sostenible y resiliente.



# CMB Y CEDE ARUBA TA UNI FORSA PA NON-PROFIT GOVERNANCE & LEADERSHIP CONFERENCE 2025



Oranjestad, Aruba – Caribbean Mercantile Bank ta uni su mes na CEDE ARUBA como e main sponsor pa un NGO Academy Conference cu lo tuma lug na september 2025. E iniciativa aki lo tin un inversion inicial di Afl. 42,000.00 y tin como meta pa fortalece e capacidad organisatorio di fundacionnan y organisacionnan den nos comunidad. E conferencia aki lo concentra riba fundacionnan chikito y mediano na Aruba, pa duna nan e hermentnan, conosemento y red necesario pa logra un organizacion eficiente y cu impacto mas sostenibel na favor di nos comunidad.

E conferencia lo wordo organiza pa CEDE ARUBA den colaboracion cu Aruba Institute for Good Governance & Leadership (GG&L) di Universidad di Aruba. Durante e conferencia, lo inclui charlannan, workshops y panelnan di discusion. Tambe oradornan local y internacional lo ta parti di e programa, cu lo comparti nan experiencia y best practices den e area di governance, liderazgo y maneho sostenibel di organisacionnan. Aparte di e conferencia, CEDE ARUBA y Universidad di Aruba lo lansa e “NGO Academy”, pa sigi apoya e organisacionnan despues di e evento. E



NGO Academy lo ofrece workshops, curso y otro tipo di formacion cu ta enfoca riba capacidad y autosostenibilidad di organisacionnan cu ta traha na bienestar di nos comunidad.

CMB ta kere firmemente cu ta importante pa organisacionnan comprende e balor di transparencia y integridad di tin un Board y ekipo cu ta funciona optimalmente.

Esaki no solamente ta beneficia e organisacion mes, pero tambe ta yuda facilita e proceso di diligencia pa CMB. Esaki por ta sea un cliente nobo of pa otro tipo di peticion pa sosten financiero y colaboracion.

CMB ta sumamente orguyoso di por forma parte di e desaroyo importante aki pa nos isla. Tambe CMB ta kere den e poder di “Good Governance” y

ta compromete na yuda forma organisacionnan cu ta traha pa mehora calidad di bida na Aruba.

Den e lunanan venidero CEDE ARUBA y CMB, hunto cu Universidad di Aruba, lo invita fundacionnan y organisacionnan pa tuma parti den e conferencia aki y pa probecha di e oportunidad di crecimiento y colaboracion cu e NGO Academy lo brinda.



# XAMARAH ANTHONIJ A BIRA MINI MODEL WORLD 2024-2025



E siman cu a pasa, Cas Princesa Aruba a ricibi e noticia cu nan representante Xamarah Anthonij, e prome finalista ViReina di Mini Model

World 2024 na Republica Dominicana, a reemplasa Bianca Bazo kende debi na incumplimento di compromiso y falta di responsabilidad. Tawata

e organisacion oficial di Mini Model World, cu a haci e anuncio aki.

Debi na esaki Xamarah a biaha pa Republica Dominicana hunto cu su representante di Cas

Princesa pa asina ricibi e corona y banda oficial. Cu emocion y orguyo el a ricibi e corona internacional aki y dignamente a representa su isla Aruba.

Cas Princesa Aruba ta felicita Xamarah Anthonij

y ta gradici tur esunnan cu semper ta confia y stimula e organisacion pa mas cu 10 aña caba.

Potretnan ta cortesia di Mini Model World.



# STATENLID ROCCO TJON: MOMENT VAN DE WAARHEID – PARTIJBELANG OF ALGEMEEN BELANG?

**Vragen aan de coalitie over politieke druk op justitie vereisen heldere antwoorden**

De recente uitlatingen van de AVP-fractie in de Staten van Aruba, waarin zij het Openbaar Ministerie (OM) feitelijk oproept tot actie en daarmee tracht invloed uit te oefenen op lopende strafrechtelijke onderzoeken, roepen diepe zorgen op over de staat van onze democratische rechtsorde. In een gezonde democratie zijn het parlement, de regering en de rechtspraak gescheiden machten. Politieke bemoeienis met het onafhankelijk functioneren van het OM tast die fundamentele

scheiding aan.

Zowel in de samenleving als binnen het parlement rijst de vraag: staat de coalitie als geheel achter deze gevaarlijke koers? Of distantiëren ministers en coalitiegenoten zich van deze druk op justitie? Om hierop helderheid te krijgen, zijn er op vrijdag 13 juni 2025 formeel vragen gesteld aan:

1. Minister van Justitie Arthur Dowers (AVP)  
De minister wordt verzocht publiekelijk duidelijk te maken of

hij zich distantieert van het persbericht van zijn partijfractie, en of hij erkent dat politieke druk op het OM een bedreiging vormt voor het vertrouwen in de rechtsstaat.

2. Coalitiepartner FUTURO

Aan de fractie van FUTURO en haar ministers is gevraagd of zij deze inmenging door hun coalitiepartner steunen, of zich er nadrukkelijk van distantiëren. Als medeverantwoordelijke in het kabinet rust op hen de plicht om de

onafhankelijkheid van de rechtspraak te bewaken.

Het is van cruciaal belang dat alle politieke actoren, ongeacht partij, de onafhankelijkheid van het Openbaar Ministerie en de rechtsstaat als geheel onvoorwaardelijk respecteren. Pogingen tot beïnvloeding van justitie ondermijnen het vertrouwen van de burger in eerlijke, objectieve rechtspraak, en vormen een gevaarlijk precedent. De gemeenschap verdient duidelijkheid. Transparantie is nu vereist.



## PARLAMENTARIO JOHN HART:

# “INFRASTRUCTURA, PERSONAL Y RESOCIALIZACION NA KIA MESTER ATENCION INMEDIATO”



ORANJESTAD (16 di juni 2025) – Miembro di Parlamento John Hart a expresa preocupacion profundo tocante situacion actual na Korrekcie Instituut Aruba (KIA), y e necesidad urgente pa atencion di tres aspecto esencial cu mester di prioridad den e periodo

nos dilanti.

Segun parlamentario Hart, e condicion actual di e edificio di KIA ta lamentablemente den un estado preocupante. “Nos mester reconoce cu e infraestructura actual no ta brinda un ambiente adecua pa personal y detenido, un edificio nobo no ta un luho

mas”.

Un otro punto critico ta e escasez di personal y e importancia pa keda capacita personal den KIA. “Buskeda y seleccion pa mas personal, e calidad di e capacitacion di personal, pero tambe e proceso pa personal di KIA por sigui crece y haya nan capacitacion y promocion ta necesario pa por tin un organizacion efectivo y pa por cumpli cu e metanan di un Korrekcie Insitituut” Hart ta expresa.

Parlamentario Hart a

pone enfasis special riba e importancia di resocialisacion. Mester percura pa cu e temponan nos dilanti por pone mas atencion pa un win-win pa KIA y comunidad. Aunke tin hopi reto tin cosnan positivo tambe, por a tuma nota con tanto empleado como detenido di KIA a participa den e iniciativa di KIA Doet, bou di Aruba Doet, na Lago Heights. “Esaki ta e tipo di iniciativa cu nos mester stimula y amplia. Ta duna un chens real pa e detenido tuma responsabilidad y sinti cu nan ta aporta positivo na

nos sociedad — a pesar di nan pasado” Hart a expresa.

Como presidente di e Comision Parlamentario di Husticia, Hart a anuncia cu el a planifica un bishita di trabou na KIA den juni 2025. “E meta ta pa haya un miho bista real di e situacion actual, y pa mira con Parlamento por incorpora aporte constructivo den preparacion pa e presupuesto 2026. Como Parlamentario pa pais Aruba, ami ta enfoca riba solucion, no division”.



# DAMA A BEBE CANTIDAD DI PILDO CU MENOS BON INTENCION!



Dialuna mainta a drenta informe di cu tin un dama cu lo a bebe cantidad di pildo cu menos bon intencion, mesora a

dirigi tanto polis como ambulans na e sitio.

Na yegada di e patruya a bin haya e dama ainda

conciente, Na yegada di e ambulans mesora a atende y a transporte pa hospital, e dama ta stabiel danki na e accion rapido.

## POLIS A PARA Y ATENDE CU CHAUFFEUR PA VIOLACION DEN TRAFICO BANDA DI HAPPY SPOT NA TANKI LEENDERT



Diadomingo anochi un patruya pasando den Tanki Leendert a nota un

chauffeur cometiendo un infraccion den trafico, mesora nan a

para e chauffeur y a dun'e su merecido boet.

**Clasificados**

[SOLODIPUEBLO@GMAIL.COM](mailto:SOLODIPUEBLO@GMAIL.COM)  
CEL.585 9500

## TA BENDE: BBQ GRILL TIPO CRIYoyo I DURADERO



**INFO JAMA:**  
**5697787**



# SABIDURIA DEN NOS ALEGRIA

Skirbi pa Ruthy "Lady Ruth" Vrieswijk-Bergen



Y asina e Dia di Tata a pasa cu famianan celebrando cu nan tata na bida ainda of cu un oracion manda na shelo pa nan tata cu ya a wordo yama pa bay serca su Tata Celestial. Mi no ta comprende cu ainda tin hende cu ta pensa riba mamnan cu ta mama y tata pareu, no ta algo cu Lady Ruth por guli asina sina, mi ta comprende nan sentimiento, pero ta tuma un homber y un muhe pa traha un yui y asina bira tata y mama biologico. Un muhe no ta un homber. No tin comparacion. Dios a crea nan como ser unico pa bira un y produci yuinan. Pero talbes e buki

di Padu Lampe "Sciencia asercando e mundo spiritual" ta bin na bo mente tambe ? Nos no ta científico cu ta papia di e otro maneranan di bira mayornan di un of mas yui. Nos no ta papia di e cuido y atencion etc. pa yena un bashi. Tur cos ta pasa pa un motibo, tin cu stop di bruha tera y acepta e dianan pa locual nan a wordo proclama y ningun caminda ta bisa cu tin un dia di mamnan cu ta tata pareu, of di tatanan cu ta mama pareu, podise esey mester bin ainda No comprende nos fout, como Poeta nos ta purba di mantene e pureza den naturaleza, no tur locual por hasi y of sosode. Tin bastante coi loko caba ariba face book di tur sorto di cosnan pa spanta hende of pone hende kere den webo di gai ta vierkant. Ta manera no tin creatividad mas rond di nos y tur ta ripiti cosnan pa hanja atencion? Como e Poeta Lady Ruth nos ta purba di comparti actividadnan y cosnan leuk cu sa pasa cu

picsnan di e momentonan ey y no di un leon ta cana riba un giraf su nanishi of algo otro cu no ta cuadra. Laga nos comparti algo di e bunita y dushi mainta na Plaza Bookshop Aruba no mucho tempo atras, pero cu ta awor e ta yega na beurt pa comparti cu lectornan cu ta gusta lesa nos relato semanalmente. Tawata un mainta na unda 5 escritor autor di nan buki mas nobo a bini hunto den Plaza Bookshop pa intercambia di pensamiento y firma nan buki segun deseo di un of mas comprador. Un mainta hopi interesante informativo educativo pa nos tur. Cada buki ta un joya ariba su mes. Nos no por corda tur e titulonnan na e momentonan aki, pero Ariana Koolman cu su nomber artistico Lady Ari su buki ta "E flor tristo", un bunita storia con stima y cuida nos flora, un bunita buki pa mucha. Clarette Quandus su buki di e fiestanan crioyo di nos isla e.o. Dera gai, Rachelle Lue-Goedgedrag cu su buki exotico "Louella", Mauricio Boekhoudt cu su buki tocante historia con e prome avion a yega Aruba y mas di aviacion hopi interesante mes y Lady Ruth cu su prome buki pa mucha na nos dushi idioma Papiamentu "Rene su dushi wega". Tawata un "Meet the authors Day" diasabra 3 di mei ultimo, hopi alegre y gezellig, organisa pa e gentil cabayero Nico Luydens di Plaza Bookshop y tur e autornan a bende varios buki e dushi mainta/merdia aki. E comprado mas grandi e mainta ey tawata Meneer di aardrijkskunde, alaves presentador di su programa radial na Magic FM, y hopi biaha e mihor



maestro di ceremonia Addonsito Croes, cu a compra buki for di tur e 5 autornan. Ta pesey e ta asina sabi ! Un mas cu ta gusta lesa buki. Corda cu awor mucha bau di 18 anja por bira miembro gratis di Biblioteca Nacional di Aruba. Nos ta conclui nos relato di e siman aki, felicitando sra. Astrid Britten, director di BNA cu su premio maximo ricibi durante e conferencianan di Acuril cu segun nos por a lesa, a tuma lugar na nos isla ruman Corsouw recientemente. Nos ta spera cu e tatanan cu ta

tatanan di berdad a pasa un dushi y bon Dia di Tata cu y den nan seno familiar y nos ta gradici tur nos lectornan pa boso atencion di lesa nos relato tur siman. Nos ta skirbie cu hopi amor, specialmente pa esnan manera Ruthy cu no por anda bon cu cosnan digital y computariza. Danki cu ainda tin corant di papel cu tur noticia bon y malo pa informa y re-educar nos tur cu cosnan cu ta pasa di berdad y no di ganja ganja "make believe". Pasa un bon dia yen di alegria ! Un "bearhug" di Lady Ruth.





# CHACO TAEKWONDO ACADEMY A SALI BEST TEAM DEN ARACARI TAEKWONDO CUP



Diasabra ultimo Brazil Taekwondo Stichting a organisa e di tres Aracari Taekwondo Cup.


Aracari Taekwondo Cup ta e di dos clasificacion pa e 30 Best of the Best 2025. Tur scol di Taekwondo cu a participa a entrega nan lista di 7 bringado pa bringa pa e Best Team Cup.

















Chaco Taekwondo Academy bou guia di Grand Master Melvin Rasmijn, Master Yoshmar Wever y Master Miguel Genser a bin bon prepara cu nan team y a logra gana e copa cu un total di 45 punto.



Brazil Taekwondo Stichting ta gradici tur scol di Taekwondo cu a participa y ta felicita Chaco Taekwondo Academy cu nan logro den Aracari Taekwondo Cup 2025.



Paardenbaaistraat 10, Oranjestad, Aruba Tel.: (297) 525 - 7555  
www.lottoaruba.com  
Resultado: Sorteo di Merdia - June 16, 2025

 Sorteo # 4651 3107 5074 0434  X5  Sorteo # 4651 6308  X5  Sorteo # 2707 2879  Sorteo # 4651 7329 Capricornio  Sorteo # 1525 229  X2	 Sorteo # 0 x Jackpot 0 x Match 4+ 0 x Match 4 0 x Afl. 12,00 150.000,-  Sorteo # 6857 0 x Jackpot 2 x Match 4 95 x Afl. 8,00 09-12-18-23-27 Proximo Jackpot 52.000,-  Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 500.000,-  Afl. 750.000,-  Sorteo # 
---	---




**Clasificados**

















SOLODIPUEBLO@GMAIL.COM  
CEL.585 9500







Paardenbaaistraat 10, Oranjestad, Aruba Tel.: (297) 525 - 7555  
www.lottoaruba.com  
Resultado: Sorteo di Merdia - June 16, 2025

 Sorteo # 4652 6162 5223 6129  X2  Sorteo # 4652 1071  X2  Sorteo # 2708 9432  Sorteo # 4652 3063 Tauro  Sorteo # 1526 434  FP	 Sorteo # 0 x Jackpot 0 x Match 4+ 0 x Match 4 0 x Afl. 12,00 150.000,-  Sorteo # 0 x Jackpot 0 x Match 4 0 x Afl. 8,00 52.000,-  Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 500.000,-  Afl. 750.000,-  Sorteo # 
---	--



# DIA MUNDIAL DI TURTUGA DI LAMA: ARUBA TA REAFIRMA COMPROMISO PA PROTEHA SU BISHITANTENAN ANCESTRAL

ORANJESTAD - Awe, 16 di juni 2025, riba Dia Mundial di Turtuga di Lama, Aruba ban uni cu e comunidad global pa celebra e magnifico criaturanan aki, un especie unico, y asina nos ta renoba e compromiso pa nan conservacion. Nos ancestronan a wak nan, generacion tras generacion a mira e turtuganan di lama bolbe bek y subi riba nos beachnan prestigioso, pa pone nan webonan. Pero tin un urgencia y comunidad ta preocupa pa e menasanan creciente cu ta pone nan existencia na peligro. Directie Natuur en Milieu (DNM) ta traha maneho pa aporta na un naturlaesa y medio ambiente saludabel pa bestianan manera e turtuga di lama tambe.

Aruba ta orguyoso di ta un sitio na unda e turtuganan di lama ta yega y ta sinti nan na cas. Pa añas e turtuganan di lama manera e drikiel ta bin bishita nos. Hopi tambe ta e boluntarionan di Turtuga Aruba Foundation cu ta yuda pa monitor ora e bestianan aki yega y tambe ora e webonan broei y cu e yiunan sali y por haya nan caminda pa lama. Pero no ta e drikiel so ta bin den nos awa territorial, e turtuga di lama, turtuga blanco, tambe ta un popular. E criaturanan noble aki ta bolbe cada aña na e mesun beachnan unda nan mes a nace, un testimonio di e naturalesa pristino di nos ecosistema na nos costa. Sinembargo, e desaroyo rapido y e impacto di turismo den cantidad halto, aunke esencial pa nos economia, ta presenta desafionan significativo pa e habitat critico aki.

Preocupacionnan ta hopi entre e comunidad Arubano cu e crecemento



por yega na un punto caminda e turtuganan di lama lo no sinti nan sigur mas pa bolbe aki pa pone nan webonan. Manera cu DNM ta trece dilanti ta cu, no por permiti cu desaroyo ta stroba e chens pa e turtuganan aki por sigui existi. Mester wak e na e manera cu ya nan ta parti di nos herencia natural y un indicacion di e salud di nos medio ambiente marino.

Ademas di e menasa di perdida di habitat, e turtuganan di lama ta confronta peligran grave pa motibo di redanan di pesca abandona y e aumento alarmante di contaminacion di plastic den nos oceano. Hopi turtuga ta keda pega den e redanan aki, of ta confundi saconan di plastic cu 'jellyfish', y

ta resulta den heridanan grave of ta muri.

Riba e Dia Mundial di Turtuga di lama aki, Aruba ta haci un yamada urgente pa accion:

- Pa desaroyo sostenibel: Nos ta boga pa bon planificacion entre desaroyo y conservacion, pa sigura cu e areanan na unda turtuga ta yega ta keda proteha y controla pa actividadnan humano. Esaki ta inclui regulacionnan stricto pa cu iluminacion na costa cu por desorienta e bestianan.

- Practica di piscamento responsabel: Nos ta urgi nos piscadonan local y turistanan pa adopta practica di pesca sostenibel, evitando redanan of liña di pesca cu ta keda bandona y pa elimina desperdicio di

piscamento na un manera responsabel (saco cu has ta bin den dje).

- Reduci uzo di plastic y mas conscientisacion: Nos ta reitera nos compromiso pa reduci e uzo di plastic di un solo uzo y ta pidi cada individuo pa tuma accion den campananan di limpieza di beachnan y pa uza productonan reusable. Conscientisacion publico tocante e peligro di plastic pa bida marino ta importante. Tene nos beachnan liber di e desperdicio cu bo ta trece pa uza riba bo 'beach day'. Gobierno di Aruba y su departamentonan concerni hunto cu organisacion no-gubernamental local manera TurtugaAruba Foundation, ta trahando diligentemente pa monitoria e areanan unda

turtuganan ta pone webo, proteha e webonan, y den caso cu mester tambe rehabilita turtuganan herida. Sinembargo, e esfuersonan aki tin mester di e cooperacion di cada ciudadano y bishitante.

Turtuganan di lama ta un simbolo di resiliencia y un indicador di e salud di nos planeta. DNM ta invita tur hende na Aruba pa reflexiona riba nos rol como cuidado di e ecosistema fragil aki.

Laga nos traha hunto pa sigura cu futuro generacion tambe por logra mira con e turtuganan di lama bolbe na nos costa. Aruba ta keda un hogar pa e turtuganan di lama, y cu e compromiso di nos comunidad, nos por sigura cu nan ta sigui existi den nos awa cristalino y bolbe riba nos beachnan.



# GOBIERNO DI ARUBA REAFIRMA SU COMPROMISO PA PROTECCION Y BIENESTAR DI ADULTO MAYOR



Diasabra 14 di juni, Minister di Salubridad Publico drs. Mervin Wyatt-Ras, a asisti na un simposio organisa pa Fundacion Alzheimer Aruba cu a tuma luga na MFA Santa Cruz, relaciona cu Dia Internacional di Conscientisacion di Abuso di Adulto Mayor. E tema global pa e aña aki, “No excuse for Elder Abuse”, a sirbi como punto di salida pa reflexiona y tuma accion den e lucha contra abuso den diferente forma. Gobierno di Aruba ta reconoce cu abuso di adulto mayor no ta solamente un asunto familiar, pero un reto pa salubridad publico y violacion di derechonan humano. Abuso fisico, emocional, sexual, financiero, negligencia of abandono, tur ta manifestacionnan di un

problema cu, aunke hopi biaha ta keda scondi, ta laga cicatriz profundo riba victimanan y comunidad. Segun Minister Wyatt-Ras, prevencion ta fundamental y esaki ta rekeri conscientisacion, educacion y un comunidad cu laso fuerte, caminda adultonan mayor por haya apoyo y proteccion. Fortalece e sistema di cuido, acceso na servicio, y un ambiente sigur y confiabel ta prioridad pa Gabinete AVP-Futuro. Mirando cu Aruba ta enfrentando un vergrijzing di su poblacion, di cual mas cu un cuart di e habitantenan ta riba 60 aña, e necesidad pa tuma accion awo ta urgente. Minister Wyatt-Ras a enfatisa cu e cuido y proteccion di adultonan mayor ta hancra den e



## HOTLINE



### 744-0444

## CAPT'E Y MAND'E



plan di gobernacion. E enfoko di Gobierno ta riba:

- Fortalece e cuido na cas y institucional;
- Mehora e acceso na servicio sigur y accesibel;
- Promove un sociedad inclusivo, den cual respet y proteccion di adultonan mayor ta e norma.

Minister Wyatt-Ras a subraya cu prevencion no ta solamente un tarea di Gobierno, sino un responsabilidad comparti cu tur sector: profesionalnan di salud, cuidado-, famia-, bisiña-, y organisacionnan civico. E simposio a brinda un plataforma valioso pa dialoga, intercambia conocimiento y fortalece e

cooperacion pa un Aruba na unda tur adulto mayor por biba sin miedo, y cu e dignidad cu nan merece.

Minister Wyatt-Ras ta felicita Fundacion Alzheimer Aruba pa nan dedicacion y ta gradici tur participante pa nan compromiso den e lucha contra abuso di adulto mayor.



Avancando cu un proyecto pa aporta na  
nivel di maneho y planificacion

JONATHAN WEVER TA  
EXITOSAMENTE TERMINA E  
SEGUNDO MODULO  
DI MEMOS

Recien Director di Operacion di Comité Olimpico Arubano, Jonathan Wever a logra termina exitosamente e segundo modulo di MEMOS (Executive Masters in Sport Organisation Management) cu a tuma luga na cede di Comité Olimpico Mexicano. Durante e modulo aki, a presenta e progreso di e proyecto inicial cu a propone durante e prome modulo november ultimo, unda a duna e conclusionnan cu a sali e encuesta cu a haci ademas di e grupo di discusion cu personan clave dentro di e mundo di deporte. E investigacionnan y e conclusion di esakinan lo ta e base pa e proyecto cu ta elaborando, unda ta busca pa traha un producto pa e federacionnan miembro di COA y demas organisacionnan



deportivo pa aporta cu aspectonan di maneho y planificacion. di lomba, ta sigi traha pa termina e proyecto pa asina presenta e version final na luna di november 2025. #TEAMARU

Awo cu e modulo aki tras



SUDOKU

	3		2		9		7	
9			4	1	3			8
		1		7		3		
7	1			4			9	5
	8	6	9		7	4	3	
5	9			2			8	7
		8		6		9		
6			1	3	2			4
	4		8		5		6	

		6	7		4	9		
	5			6			8	
2								5
3								1
1								2
	8						3	
		7				6		
			3		9			
				8				

	7			6				9
6			5				8	
		4				7		
	3				6			
2				5				8
			4				1	
		3				4		
	2				7			3
1				8			2	



# E DIES MANDAMENTONAN DI DIOS

1. Stima y adora bo Senyor y bo Dios di henter bo curason, di henter bo alma, di henter bo sentir, di henter bo ser y mas cu tur cos di mundo y stima bo prohimu manera bo mes.

Akinan nos mester stima Dios mas cu nos mes y mas cu nos famianan.

Den e Ley di Dios aki ta prohibi nos di kere y di participa, den bruheria, den medium, den diosnan falso, den organisacionnan satanico, den illuminatienan, den reiki, den reincarnacion, den pactonan satanico, den hypnotismo, den horoscopo, den yoga, den quija board, no pone tatuahenan riba curpa, no marka e 666 riba curpa y no pone e microchip den bo curpa etc. E mesun ley di Dios ta bisa tambe, di stima bo prohimu manera bo mes. Akinan nos mester stima tambe e pobernan, e chollernan, e drogadictonan, e handicapnan, esnan mentalmente malo, bo enemigonan, esnan di tur rasa y religion. Pero nos no mester stima nan pikanan y nan errornan cu nan ta biba aden.

2. No usa e nomber di Dios sin mester.

No menciona e nomber di Dios den bo dichonan y jokenan bulgar, den bo palabranan di blasfemia, den bo palabranan malo etc.

3. Santifica dia di Senyor.

E dia di santificacion ta riba Diadomingo dia cu Cristo-Hesus a resucita. Diadomingo ta dia di descanso y e no ta un



dia di traha den trabao. Diadomingo ta un dia di famia na unda tata y mama ta tuma tempo pa nan yiunan y tambe di bishita famianan. Diadomingo ta dia di Senyor na unda tur hende ta bai Misa, pa Santifica Dios Su dia den e Santa Eucaristia. Akinan nos ta sigi recorda Cristo Hesus Su Pasion, Su Sufrimento, Su Agonia y Su Morto na Crus te dia E bolbe bini. Den e Santa Eucaristia nos ta ricibi E Curpa y E Sanger di Cristo-Hesus pa nos por tin bida eterna. Lucas 22: 19/20, Huan 6: 53/54. Bai Misa riba Diadomingo ta obligatorio.

4. Honra bo tata y bo mama.

Dios kier pa nos obedece nos tata y mama, pasobra Dios ta conseha nos y spierta nos pa medio di tata y mama. Yiunan cu ta tende y ta obedece nan tata y mama, nan lo haya e pas y e Felicidad den nan bida, den nan matrimonio y

den nan famia. Yiunan soberbia cu no ta honra nan tata y mama, nan bida lo bira desaregla y nan matrimonio lo fracasa. Yiunan, cuida boso tata y boso mama te dia cu Dios yamanan.

5. No mata.

Akinan nos mester respeta bida di tur ser humano. Ta Dios tin nos destino den Su man, pa nos laga e mundo aki. No comete crimen, no comete suicidio, no comete abortus, no comete euthanasia.

6. No comete adulterio.

Dios ta uni e pareha den un solo curpa den e Sacramento di Matrimonio den Misa y Dios no ta reconoce divorcio, Marco 10: 6-9. Na esnan cu a divorcia y ta bay biba cu otro persona, nan ta comete e pika di adulterio, Mateo 5: 31/32. Cristo-Hesus ta bisa, cu ningun di esnan cu ta comete e pika di adulterio, nan lo

no drenta den e Reino di Dios, 1Corinthionan 6: 9/10.

7. No horta.

Akinan nos mester respeta propiedadnan di otro, pasobra ta Dios ta duna nos tur loke cu nos

tin mester pa biba. Esnan cu a horta y ta debe otro, nan lo paga nan debenan den purgatorio despues di morto.

8. No lanta falso testimonio riba bo prohimu.

Ganjamiento y haci redonan falso ta un pika grandi. No instiga otro cu rabia riba otro, no yena otro cu falsedad y odio, no tuma consejo di personanan pecador y desvia.

9. No comete e pika di fornicacion y e pika di deshonesto.

E pika di fornicacion ta e relacion sexual prohibi pa Dios, cu ta e pika di curpa. Esaki ta esnan cu ta haci relacion den libertinahe sexual, esnan cu ta biba companja, esnan cu ta casa pa Raad so, e prostitutan y tur relacion sexual pafor di e Sacramento di Matrimonio, ta

condenabel. Den 1 Corinthionan 6: 9 / 10, Cristo Hesus ta avisa, cu ningun di esnan den fornicacion, nan lo no drenta den e Reino di Dios. E pika di deshonesto y di inmoralidad, ta e hombernan cu a kita nan tradicion natural pa bira homosexual y e muhernan cu a cambia nan tradicion natural pa bira lesbiana.

Muhernan a cambia nan tradicion natural pa esnan contra naturalesa. Mescos hombernan a kita nan tradicion natural cu muher y a inflama nan mes den e pasion cu homber, den oral y anal sex. Tambe, e hombernan cu ta masturba y ta usa condom pa benta nan spermanan afo, ta wordo condena. Muhernan cu ta usa tur sorto di anticonceptivonan, pa no sali na estado, ta wordo condena. Den Bijbel Genesis 38: 6-10, Dios Tata a kita bida di Onan, pasobra Onan tabata benta su spermanan afo. Tur sorto di anticonceptivonan a wordo crea pa satanas pa stop Dios Su autoridad di procreacion humano. Romanonan 1: 26/27, Levitico 18: 22, Levitico 20: 13. Den 1 Corinthionan 6: 9/10, Cristo Hesus ta avisa, cu ningun di esnan cu ta comete e pika di deshonestidad y e pika di inmoralidad, nan lo no drenta den e Reino di Dios.

10. No codicia cos di otro hende.

No codicia loke cu no ta di bo. No codicia e muher di otro, no codicia e homber di otro, no codicia su propiedad, no codicia su beneficienan. No sea envidioso, no sea avaricia, no sea soberbia y no sea lujuria.

Seferino Tromp  
Koyari 13-D Cell. 5931157 / 5870048  
Id. 57.11.22.40





**E SIMAN AKI WEGANAN DI  
SOFTBALL TA START  
HOH TA ORGANISADOR OFICIAL  
DI COPA GUBERNAMENTAL Y  
COMERCIAL 2025**



**WWW.SOLODIPUEBLO.COM**



**SOLODIPUEBLO@GMAIL.COM**

## **GOLPI DURO! KUSTWACHT Y POLIS TOPA BOTO NARCO CARGA CU DROGA NA ANDICURI**

Diasabra anochi Kustwacht a notifica Central di Polis cu nan tin bista riba un boto cu ta direccion pa Aruba. A mobilisa unidad nan mesora pa activa. Kustsurveillance y Departamento di Crimen Organisa (UGC) a mobilisa mesora pa e accion.

Despues di controla den vecindario di Andicuri a bin topa cu un dinghy (boto chikito) na costa. A cuminsa cu un buskeda y ta bin topa cu bultonan di

droga den cercania.

E dinghy y droganan a keda confisca y departamento di Crimen Organisa ta sigi cu investigacion.

No ta descarta cu lo por tin detencion den e dianan nos dilanti.

Trahando den equipo nos lo sigui traha duro pa mantene nos Pais y costanan sigur.



**Despues di ocho  
año  
TOP  
EHECUTIVONAN  
DI CRUCERO TA  
E SIMAN AKI NA  
ARUBA**

**CMB Y CEDE ARUBA TA UNI  
FORSA PA NON-PROFIT  
GOVERNANCE & LEADERSHIP  
CONFERENCE 2025**



**Awo cu 2 florin mas, bo por gana e MEGA PLUS**  
\* Afl. **750.000,-**  
\* Afl. 500.000,- + Afl. 250.000,-  
extra



HUNGA AWO



Benta ta sera 7:30 pm y sorteo ta hunga 7:45 pm



# Despues di ocho aña TOP EHECUTIVONAN DI CRUCERO TA E SIMAN AKI NA ARUBA

Ministerio di Turismo, Aruba Ports Authority N.V. (APA) y Aruba Tourism Authority (A.T.A.) ta orguyoso di anuncia cu Aruba lo ta anfitrión oficial di e conferencia di crucero Platinum Associate Membership Advisory Council (PAMAC) 2025, un di e eventonan mas importante y reconoci pa e industria crucero na Norte America, Latino America y Caribe. E evento importante aki ta organisa pa Florida-Caribbean Cruise Association (FCCA) y pa e edicion aki ta patrosina a traves di un partnership entre APA y A.T.A.

## Ocho aña pasa a bin caba

Na aña 2017, exitosamente Aruba tabata anfitrión caba di e reunionnan di PAMAC y ta hopi contento di por yama bonbini atrobe na e prestigioso evento e siman aki. Tanto APA como A.T.A. tin lunanan caba ta preparando pa por brinda un experiencia sin igual na tur e ehecutivonan di e industria crucero cu lo bishita nos isla e siman aki. E ultimo PAMAC a tuma luga na Jamaica, pues ta un bon chens pa Aruba por “showcase” nos destinacion dilanti tur esnan cu ta tuma decision riba iterinario y rutan cu e liñanan crucero ta opta p’e. E conferencia di PAMAC ta un plataforma popular cu ta inclui presencia di alto ehecutivonan di e industria di turismo crucero, tanto di liñanan crucero como di otro partnernan den e industria.

## Tema di e aña aki

Un aspecto clave cu e PAMAC Cruise Summit 2025 lo trece pa Aruba ta e oportunidad pa showcase desaroyonan recien, actividadnan y excursionnan disponibel riba e isla como tambe e proyectonan di mehoracion mas importante cu ta andando y tin na caminda. Adicionalmente, e conferencia lo enfoca riba varios topico importante, incluyendo atrae cruceronan mas chikito y luhoso, sin lubida e intencion di por atrae crucero durante e temporada abou. Meta di e iniciativa aki ta pa engrandece e experiencia di Aruba y promove crecimiento sostenibel den e industria crucero. Sostenibilidad ta keda un tema central den e industria di crucero y e conferencia aki lo pone enfasis riba su importancia door di alinea e strategianan di Aruba cu e industria mundial di crucero. Atendencia record

For di momento cu ehecutivonan di APA y A.T.A. a anuncia e intencion di Aruba pa ta “host” di e evento di e aña aki, mesora e entusiasmo a lanta entre e ehecutivonan participante. Na dado momento mester a limita participacion pasobra e

demanda a surpasa tur expectativa, pasando riba 200 participante e aña aki. FCCA ta consider’e un record di atendencia. Tanto APA como A.T.A. ta convenci cu e demanda pa bishita Aruba, pa check e avansenan y con nos isla a desaroya den un di e destinacionnan di mas bunita, limpi y sigur den Caribe, ta loke a atribui na e interes aki.

## Tres dia intensivo

Un PAMAC Cruise Summit tipicamente ta durado pa tres dia y ta inclui un variedad di actividad manera reunionnan, funcionnan y excursionnan. E prome dianan ta facilita interaccion entre ehecutivonan di crucero, partnernan local y representantenan di gobierno. Ta considera e interaccion aki como crucial, prome cu e ehecutivonan di crucero reuni cu e miembronan ‘platino’ mes. Mayoria di e participantenan lo bandona Aruba diabierna mientras otronan a scoge pa plak algun dia di vakantie su tras y asina ta pasa weekend na “e isla feliz”.

## Inversion pa mehoracion

Ultimo añanan, Aruba a conoce varios construccion y renobacion cu a conduci na haci nos isla mas popular y competitivo como destinacion turistico di prome clase. Ambos entidad, tanto APA como ATA a inverti masha den mercadeo, den promocion y den estrecha laso cu e liñanan crucero pa atrae no solamente mas “calls”, sino specialmente den atrae cruceronan mas chikito pero cu miho calidad di pasahero. Esey ta obvio tambe den con a logra subi e cantidad di placa drasticamente cu casa pasahero ta laga atras na Aruba.

Mantencion di facilidadnan

No solamente pa inversionnan haci den exterior sino tambe localmente, pa por a mantene y hasta crea areanan nobo unda e turista crucero por pasa su dia na Aruba. Via fondonan di ATA a percura pa henter un skema di mantencion di e areanan turistico mas uza pa nos turistanan. Den area di waf tambe a realisa hopi trabou, asina APA a crea baño y mas espacio pa sinta pa e pasaheronan y diferente otro mehoracionnan mas.

Embece e area di waf

No por lubida di menciona cu e mesun APA y ATA a cera cabes den un inversion miyonario pa renoba y modernisa henter e edificio bieu di DOW situa dilanti porta di waf. Ey lo bira oficina di APA mientras cu abou lo bira un Visitors Center virtual maneha pa ATA. E pasaheronan lo topa cu un experiencia unico y por cera conoci mas di cerca



cu nos isla como destinacion pa nan scoge riba nan siguiente vuelo di estadia na nos isla.

## Ban muestra nos miho cara

Aruba cu e siman aki ta anfitrión di e PAMAC Cruise Summit 2025 ta un testimonio di e compromiso di Aruba pa excelencia den e industria di turismo. Ministerio di Turismo, Aruba Tourism Authority (ATA) y Aruba Ports Authority N.V. (APA) ta anticipa cu entusiasmo e oportunidad pa showcase tur locual Aruba tin di ofrece, incluyendo ofertanan pa engrandece y fortalece relacionnan fuerte cu ehecutivonan di e liñanan crucero.

## Tocante FCCA

Florida-Caribbean Cruise Association (FCCA) ta un asociacion n cu ta consisti di 23 liña miembro cu ta opera casi 200 barco den laman di Florida, Caribe y Latino America. Funda na aña 1972, e meta di FCCA ta pa provee un foro pa discucion riba operacionnan di crucero, desaroyo turistico, wafnan, operacionnan di tour, seguridad y otro asuntonan di e industria crucero. Door di fomenta mas comprendemento di e industria di crucero y su practicanan di operacion, FCCA ta busca pa construi relacionnan cooperativo cu su destinacionnan partner y pa desaroya partnershipnan bilateral productivo cu cada sector. FCCA ta traha cu gobiernonan, wafnan y tur representante di sector priva/publico pa maximisa gastonan di pasahero crucero, liña crucero y empleadonan di liña crucero, y tambe mehora e experiencia di destinacion y e cantidad di pasaheronan crucero cu ta regresa como bishitante stay-over despues.

Cruceronan miembro:

AIDA Cruises, Carnival Cruise Lines, Celebrity Cruises, Costa Cruises, Cunard Line Ltd, Disney Cruise Line, Explora Journeys, Hapag-Lloyd Cruises, Holland America Line, Margaritaville aAt Sea, MSC Cruises, Norwegian Cruise Line, Oceania, Cruises, Cruises Princess Cruises, Regent Seven Seas Cruises, Silversea Cruises, Royal Caribbean International, Seabourn, SeaDream Yacht Club, TUI Cruises, Virgin Voyages y Windstar Cruises.



# Agentenan nobo cla y prepara CLA PA SIRBI NAN PAIS: KLAS 2021 A TERMINA NAN ESTUDIO POLICIAL



MACUARIMA, ARUBA: Siman pasa e ultimo parti di e opleiding basico di klas 2021 a tuma lugar. Despues di 4 aña di a sigui estudio policial na nivel di MBO klas, awor Cuerpo Policial Aruba a haya un klas nobo pa subi caya oficialmente. Como e parti final di nan estudio policial klas 2021 a haci ehercicio pisa.

Como un tradicion e ehercicio ta encera cu ta haci un coremento largo cu a sali for di Savaneta pa Scol di Polis E.J. Watty Vos situa na Fortheuvelstraat San Nicolas.

Na yegada na Scol di Polis nan a wordo ricibi pa Altocomisario Arnhem, hefenan, docentenan, agente policial den opleiding como tambe coleganan di diferente departamento. Despues a sigui un discurso di hefe di Scol pa Polis como tambe Altocomisario Ramon

Arnhem. Palabranan di pabien, elogio pero tambe a enfoca riba e tarea importante cu nan lo bay



eherce den comunidad. Nan a wordo recorda cu Polis tey pa seguridad, integridad y servicio na nos pueblo. Cuerpo Policial Aruba ta desea nos coleganan un bon bini oficialmente den nos Cuerpo. Exito y hopi placer den boso carera policial.



STATEN VAN ARUBA

OPENBARE VERGADERING OP 18 JUNI 2025 OM  
09:00 UUR V.M. IN DE VERGADERZAAL VAN DE STATEN VAN ARUBA

TE BEHANDELEN ONDERWERP

Agenda:

1. Ontwerp-landsverordening houdende regels ten behoeve van de bestuursrechtelijke handhaving van de consumentenwetgeving (Landsverordening bestuursrechtelijke handhaving consumentenbescherming)

De Griffier,

mr.drs. Herman Ch. J. Hek



**TRABOU DI MANTENCION RIBA LIÑA  
DI DISTRIBUCION JAMANOTA**  
Interupcion di Coriente Planea

En conexion cu trabounan necesario pa mantene un suministro di coriente confiabel, e servicio di coriente lo wordo interumpi:

**Diahuebs, 19 di juni, 2025**  
**8:00 AM te cu 4:00 PM**

Den vecindario di:

- Boton (un parti)
- Bringamosa (un parti)
- Jamanota (un parti)
- Jan Flemming (un parti)
- Macuarima (un parti)
- Maria Maai (un parti)
- San Fuego (un parti)
- Urataka (un parti)
- Warawara (un parti)

N.V. ELMAR ta pidi disculpa pa e inconveniencia cu e interupcion di coriente aki por causa.

Bishita [www.elmar.aw](http://www.elmar.aw) pa mira e lista di adresnan afecta.

Danki pa e comprension.

  
**ELMAR**



# E SIMAN AKI WEGANAN DI SOFTBALL TA START HOH TA ORGANISADOR OFICIAL DI COPA GUBERNAMENTAL Y COMERCIAL 2025



Recientemente den un sala yen di hungado di softball di diferente instancianan gubernamental y alabes organisacionnan comercial a tuma luga un conferencia di prensa pa anuncia e siguiente Copa Gubernamental y Comercial 2025 cu lo inicia diahuebs awo 19 di juni na veld di Kudawecha. Horacio Oduber Hospital ta e organisador di e Copa e biaha aki y ta sinti'e sigur honra di a haya e oportunidad pa pone bek riba pia. Varios team lo participa y bataya durante 10 dia pa wak ken ta bay cu e copa di campeon riba 29 di juni proximo.

Durante e conferencia di prensa, sr. Gregory Croeze kende ta miembro di Hunta di Directiva di HOH, a expresa na prome luga e honor cu HOH tin pa organisa e copa aki cual ya nan tin un aña ta traha duro pa por logra pone un campeonato grandi asina riba pia. Alabes tambe sr. Croeze a indica cu un

di e motibonan principal pa sostene e tremendo iniciativa aki ta cu deporte ta algo bon pa salud fisico y mental; na final di dia miho salud bo tin menos persona lo mester di cuida medico.

Dr. Dave Lacle representando e comishon di organizacion a gradici tur 12 team gubernamental cu a inscibi y tambe e 6 teamnan comercial cu ta cla pa bataya. No por a keda sin menciona palabra di gradicimento na Balashi como sponsor di e Cpa aki cu sin pensa a join e team di HOH pa forma parti di Copa Gubernamental y Comercial 2025.

Despues di seis aña ta organisa e Copa Gubernamental y Comercial aki di softbal. E biaha aki, HOH tin e honor di organisa e evento aki cu lo tuma luga for di 19 di juni te cu 22 di juni cu ta e prome siman. Diahuebs lo inicia cu wega y diabierna lo tin e ceremonia oficial pa

exactamente 7or cu lo sigui cu tremendo ambiente di Zeta Band. E weganan lo continua riba diasabra y diadomingo.

E siguiente siman, e weganan lo sigui riba 24 di juni te cu dia 29 di juni. E clausura lo tuma luga riba 29 di juni caminda e dos miho teamnan lo bataya pa bira campeon pa loke ta gubernamental y comercial y alabes lo tin tremendo ambiente di e banda local OREO.

E invitacion ta keda na comunidad di Aruba pa pasa Kudawecha Ballpark di 19 pa 22 di juni y di 24 pa 29 di juni. E bar y cushina lo ta bon surti.

Bishita e Facebook di Horacio Oduber Hospital of e pagina di evento di Copa Gubernamental y Comercial pa mas informacion tocante e schedule.

HOH semper t'ey y den deporte nos tambe t'ey!



# DAMA BAO INFLUENCIA A BAHAMINDE NA MAN DRECHI RANCA PALO DI LUS Y BAY CAY DEN GREPPEL

Diadomingo madruga a drenta informe di un accidente riba e caminda di Pos Abao pa Hato, mesora a dirigi un patruya na e sitio.

Na su yegada a bin compronde cu aki ta trata di un accidente unda un dama chauffeur coriendo auto bao influencia riba e caminda di Pos Abao pa Hato a baha caminda na man drechi dal palo di lus kibra y bay cay den greppel.

Polis a detene e dama pa a core auto bao influencia y causa accidente. Afortunadamente ningun hende a resulta herida.



# SUPLICA DI HABITANTENAN DI JUCURI PA DRECHA E CAMINDA YENA CU BURACO



Diadomingo mainta a drenta varios yamada di auxilio di habitantenan di Jucuri reclamando cu pa basta tempo nan tin problema cu buraco y cu awor cu tanto yobidanan e awa riba caminda a sconde e buraconan cu si bo kita pa un bo ta dal den dos of mas buraco. D.O.W. atencion urgente

ANUNCIO IMPORTANTE

## Orario Special

Relaciona cu un evento special pa nos empleadonan tur nos sucursalnan y oficinanan lo ta cerando mas tempran cu custumber:

**17 di juni, 2025**  
**8:00 AM - 11:30 AM**


Nos ta pidi disculpa pa cualke inconveniencia cu esaki por causa.

---

Due to a special event for our employees all our branches and offices will be closing earlier than usual:

**June 17, 2025**  
**8:00 AM - 11:30 AM**

We apologize for any inconvenience this might cause.





# MISS UNIVERSE 2024 VICTORIA KJÆR THEILVIG Y PROME MINISTER MIKE EMAN A PLANTA MATA NATIVO COMO SIMBOLO DI COMPROMISO CU REFORESTACION DI ARUBA



Diasabra mainta trempan, den un acto simbolico na Parke Nacional Arikok, Miss Universe 2024 Victoria Kjær Theilvig di Dinamarca, acompaña pa Prome Minister Mike Eman a planta un mata nativo di Calbas como parti di e plan nacional ambisioso pa reforestacion di Aruba.

Natasha Silva, di Aruba Conservation Foundation (ACF), a splica cu e mata di calbas ta un di e 70 matanan nativo na Aruba. E restoracion di Aruba su vegetacion, ta rekeri cu mester planta cierto mata specifico den areanan specifico pa crea un balansa ecologico. Cada mata nativo tin su

rol den mantencion di e ecosistema cu ta rondone y cada un ta sostiene otro su existencia.

Reforestacion ta crucial pa futuro ecologico di Aruba. Cu e introduccion di mata nativo, Gobierno ta busca pa restaura e paisahe natural, fortalece biodiversidad, preveni erosion, y crea un ambiente mas resistente y resiliente. Reforestacion tambe ta un paso vital den combati cambio climatico y ta yuda proteha nos recursonan natural pa futuro generacionnan.

E presencia di Miss Universe ta trece un atencion internacional importante na e esfuerso,



y ta enfatisa cu e lucha pa proteccion di nos medioambiente ta transcende frontera. E acto simbolico ta muestra con un meta comun por uni hende y forsa pa sostenibilidad y honra nos naturalesa.

Prome Minister Eman a indica cu e plan nacional di reforestacion lo ta un plan intensivo den cual lo haci un yamada civico na comunidad, NGO's, empresanan, scolnan y turistanan, pa forma parti di e rescate di nos ecosistema. Desaroyo acelera durante ultimo

decadanan a costa 70% di Aruba su vegetacion y awo ta e momento pa tuma accion y cambia e rumbo. "Naturalesa ta vincula cu otro, for di e matanan, e bestianan te cu nos lama, cada un ta conecta y ta forma un circulo ecologico."

Tyson Lopez, director di ACF, a bay mas den detaye di con nos ecosistema ta conecta cu otro y di e trabao importante di conservacion cu Aruba Conservation Foundation ta haci na Aruba.

E presencia di Miss Universe ta trece un atencion internacional importante na e esfuerso, y ta subraya cu e lucha pa proteccion di nos medioambiente ta transcende frontera. E acto simbolico ta muestra con un meta comun por uni hende y forsa pa sostenibilidad y honra nos naturalesa.

Gobierno di Aruba ta gradici Miss Universe 2024 pa su apoyo simbolico y ta reafirma su compromiso firme pa un Aruba mas berde, sostenible y resiliente.



# CMB Y CEDE ARUBA TA UNI FORSA PA NON-PROFIT GOVERNANCE & LEADERSHIP CONFERENCE 2025



Oranjestad, Aruba – Caribbean Mercantile Bank ta uni su mes na CEDE ARUBA como e main sponsor pa un NGO Academy Conference cu lo tuma luga na september 2025. E iniciativa aki lo tin un inversion inicial di Afl. 42,000.00 y tin como meta pa fortalece e capacidad organisatorio di fundacionnan y organisacionnan den nos comunidad. E conferencia aki lo concentra riba fundacionnan chikito y mediano na Aruba, pa duna nan e hermentnan, conosemento y red necesario pa logra un organizacion eficiente y cu impacto mas sostenibel na favor di nos comunidad.

E conferencia lo wordo organiza pa CEDE ARUBA den colaboracion cu Aruba Institute for Good Governance & Leadership (GG&L) di Universidad di Aruba. Durante e conferencia, lo inclui charlannan, workshops y panelnan di discusion. Tambe oradornan local y internacional lo ta parti di e programa, cu lo comparti nan experiencia y best practices den e area di governance, liderazgo y maneho sostenibel di organisacionnan. Aparte di e conferencia, CEDE ARUBA y Universidad di Aruba lo lansa e “NGO Academy”, pa sigi apoya e organisacionnan despues di e evento. E

NGO Academy lo ofrece workshops, curso y otro tipo di formacion cu ta enfoca riba capacidad y autosostenibilidad di organisacionnan cu ta traha na bienestar di nos comunidad.

CMB ta kere firmemente cu ta importante pa organisacionnan comprende e balor di transparencia y integridad di tin un Board y ekipo cu ta funciona optimalmente.

Esaki no solamente ta beneficia e organisacion mes, pero tambe ta yuda facilita e proceso di diligencia pa CMB. Esaki por ta sea un cliente nobo of pa otro tipo di peticion pa sosten financiero y colaboracion.

CMB ta sumamente orguyoso di por forma parte di e desaroyo importante aki pa nos isla. Tambe CMB ta kere den e poder di “Good Governance” y

ta compromete na yuda forma organisacionnan cu ta traha pa mehora calidad di bida na Aruba.

Den e lunanan venidero CEDE ARUBA y CMB, hunto cu Universidad di Aruba, lo invita fundacionnan y organisacionnan pa tuma parti den e conferencia aki y pa probecha di e oportunidad di crecimiento y colaboracion cu e NGO Academy lo brinda.



# XAMARAH ANTHONIJ A BIRA MINI MODEL WORLD 2024-2025



E siman cu a pasa, Cas Princesa Aruba a ricibi e noticia cu nan representante Xamarah Anthonij, e prome finalista ViReina di Mini Model

World 2024 na Republica Dominicana, a reemplasa Bianca Bazo kende debi na incumplimento di compromiso y falta di responsabilidad. Tawata

e organisacion oficial di Mini Model World, cu a haci e anuncio aki.

Debi na esaki Xamarah a biaha pa Republica Dominicana hunto cu su representante di Cas

Princesa pa asina ricibi e corona y banda oficial. Cu emocion y orguyo el a ricibi e corona internacional aki y dignamente a representa su isla Aruba.

Cas Princesa Aruba ta felicita Xamarah Anthonij

y ta gradici tur esunnan cu semper ta confia y stimula e organisacion pa mas cu 10 aña caba.

Potretnan ta cortesía di Mini Model World.



# STATENLID ROCCO TJON: MOMENT VAN DE WAARHEID – PARTIJBELANG OF ALGEMEEN BELANG?

**Vragen aan de coalitie over politieke druk op justitie vereisen heldere antwoorden**

De recente uitlatingen van de AVP-fractie in de Staten van Aruba, waarin zij het Openbaar Ministerie (OM) feitelijk oproept tot actie en daarmee tracht invloed uit te oefenen op lopende strafrechtelijke onderzoeken, roepen diepe zorgen op over de staat van onze democratische rechtsorde. In een gezonde democratie zijn het parlement, de regering en de rechtspraak gescheiden machten. Politieke bemoeienis met het onafhankelijk functioneren van het OM tast die fundamentele

scheiding aan.

Zowel in de samenleving als binnen het parlement rijst de vraag: staat de coalitie als geheel achter deze gevaarlijke koers? Of distantiëren ministers en coalitiegenoten zich van deze druk op justitie? Om hierop helderheid te krijgen, zijn er op vrijdag 13 juni 2025 formeel vragen gesteld aan:

1. Minister van Justitie Arthur Dowers (AVP) De minister wordt verzocht publiekelijk duidelijk te maken of

hij zich distantieert van het persbericht van zijn partijfractie, en of hij erkent dat politieke druk op het OM een bedreiging vormt voor het vertrouwen in de rechtsstaat.

2. Coalitiepartner FUTURO

Aan de fractie van FUTURO en haar ministers is gevraagd of zij deze inmenging door hun coalitiepartner steunen, of zich er nadrukkelijk van distantiëren. Als medeverantwoordelijke in het kabinet rust op hen de plicht om de

onafhankelijkheid van de rechtspraak te bewaken.

Het is van cruciaal belang dat alle politieke actoren, ongeacht partij, de onafhankelijkheid van het Openbaar Ministerie en de rechtsstaat als geheel onvoorwaardelijk respecteren. Pogingen tot beïnvloeding van justitie ondermijnen het vertrouwen van de burger in eerlijke, objectieve rechtspraak, en vormen een gevaarlijk precedent. De gemeenschap verdient duidelijkheid. Transparantie is nu vereist.



## PARLAMENTARIO JOHN HART:

# “INFRASTRUCTURA, PERSONAL Y RESOCIALIZACION NA KIA MESTER ATENCION INMEDIATO”



ORANJESTAD (16 di juni 2025) – Miembro di Parlamento John Hart a expresa preocupacion profundo tocante situacion actual na Korrektie Instituut Aruba (KIA), y e necesidad urgente pa atencion di tres aspecto esencial cu mester di prioridad den e periodo

nos dilanti.

Segun parlamentario Hart, e condicion actual di e edificio di KIA ta lamentablemente den un estado preocupante. “Nos mester reconoce cu e infraestructura actual no ta brinda un ambiente adecua pa personal y detenido, un edificio nobo no ta un luho

mas”.

Un otro punto critico ta e escasez di personal y e importancia pa keda capacita personal den KIA. “Buskeda y seleccion pa mas personal, e calidad di e capacitacion di personal, pero tambe e proceso pa personal di KIA por sigui crece y haya nan capacitacion y promocion ta necesario pa por tin un organizacion efectivo y pa por cumpli cu e metanan di un Korrektie Insitituut” Hart ta expresa.

Parlamentario Hart a

pone enfasis special riba e importancia di resocialisacion. Mester percura pa cu e temponan nos dilanti por pone mas atencion pa un win-win pa KIA y comunidad. Aunke tin hopi reto tin cosnan positivo tambe, por a tuma nota con tanto empleado como detenido di KIA a participa den e iniciativa di KIA Doet, bou di Aruba Doet, na Lago Heights. “Esaki ta e tipo di iniciativa cu nos mester stimula y amplia. Ta duna un chens real pa e detenido tuma responsabilidad y sinti cu nan ta aporta positivo na

nos sociedad — a pesar di nan pasado” Hart a expresa.

Como presidente di e Comision Parlamentario di Husticia, Hart a anuncia cu el a planifica un bishita di trabou na KIA den juni 2025. “E meta ta pa haya un miho bista real di e situacion actual, y pa mira con Parlamento por incorpora aporte constructivo den preparacion pa e presupuesto 2026. Como Parlamentario pa pais Aruba, ami ta enfoca riba solucion, no division”.



# DAMA A BEBE CANTIDAD DI PILDO CU MENOS BON INTENCION!



Dialuna mainta a drenta informe di cu tin un dama cu lo a bebe cantidad di pildo cu menos bon intencion, mesora a dirigi tanto polis como ambulans na e sitio. Na yegada di e patruya a bin haya e dama ainda conciente, Na yegada di e ambulans mesora a atende y a transporte pa hospital, e dama ta stabiel danki na e accion rapido.

## POLIS A PARA Y ATENDE CU CHAUFFEUR PA VIOLACION DEN TRAFICO BANDA DI HAPPY SPOT NA TANKI LEENDERT



Diadomingo anochi un patruya pasando den Tanki Leendert a nota un chauffeur cometiendo un infraccion den trafico, mesora nan a para e chauffeur y a dun'e su merecido boet.

**Clasificados**

**SOLODIPUEBLO@GMAIL.COM**  
**CEL.585 9500**

## TA BENDE: BBQ GRILL TIPO CRIYoyo I DURADERO



**INFO JAMA:**  
**5697787**



# SABIDURIA DEN NOS ALEGRIA

Skirbi pa Ruthy "Lady Ruth" Vrieswijk-Bergen



Y asina e Dia di Tata a pasa cu famianan celebrando cu nan tata na bida ainda of cu un oracion manda na shelo pa nan tata cu ya a wordo yama pa bay serca su Tata Celestial. Mi no ta comprende cu ainda tin hende cu ta pensa riba mamnan cu ta mama y tata pareu, no ta algo cu Lady Ruth por guli asina sina, mi ta comprende nan sentimiento, pero ta tuma un homber y un muhe pa traha un yui y asina bira tata y mama biologico. Un muhe no ta un homber. No tin comparacion. Dios a crea nan como ser unico pa bira un y produci yuinan. Pero talbes e buki

di Padu Lampe "Sciencia asercando e mundo spiritual" ta bin na bo mente tambe ? Nos no ta científico cu ta papia di e otro maneranan di bira mayornan di un of mas yui. Nos no ta papia di e cuido y atencion etc. pa yena un bashi. Tur cos ta pasa pa un motibo, tin cu stop di bruha tera y acepta e dianan pa locual nan a wordo proclama y ningun caminda ta bisa cu tin un dia di mamnan cu ta tata pareu, of di tatanan cu ta mama pareu, podise esey mester bin ainda No comprende nos fout, como Poeta nos ta purba di mantene e pureza den naturaleza, no tur locual por hasi y of sosode. Tin bastante coi loko caba ariba face book di tur sorto di cosnan pa spanta hende of pone hende kere den webo di gai ta vierkant. Ta manera no tin creatividad mas rond di nos y tur ta ripiti cosnan pa hanja atencion? Como e Poeta Lady Ruth nos ta purba di comparti actividadnan y cosnan leuk cu sa pasa cu

picsnan di e momentonan ey y no di un leon ta cana riba un giraf su nanishi of algo otro cu no ta cuadra. Laga nos comparti algo di e bunita y dushi mainta na Plaza Bookshop Aruba no mucho tempo atras, pero cu ta awor e ta yega na beurt pa comparti cu lectornan cu ta gusta lesa nos relato semanalmente. Tawata un mainta na unda 5 escritor autor di nan buki mas nobo a bini hunto den Plaza Bookshop pa intercambia di pensamiento y firma nan buki segun deseo di un of mas comprador. Un mainta hopi interesante informativo educativo pa nos tur. Cada buki ta un joya ariba su mes. Nos no por corda tur e titulonnan na e momentonan aki, pero Ariana Koolman cu su nomber artistico Lady Ari su buki ta "E flor tristo", un bunita storia con stima y cuida nos flora, un bunita buki pa mucha. Clarette Quandus su buki di e fiestanan crioyo di nos isla e.o. Dera gai, Rachelle Lue-Goedgedrag cu su buki exotico "Louella", Mauricio Boekhoudt cu su buki tocante historia con e prome avion a yega Aruba y mas di aviacion hopi interesante mes y Lady Ruth cu su prome buki pa mucha na nos dushi idioma Papiamentu "Rene su dushi wega". Tawata un "Meet the authors Day" diasabra 3 di mei ultimo, hopi alegre y gezellig, organisa pa e gentil cabayero Nico Luydens di Plaza Bookshop y tur e autornan a bende varios buki e dushi mainta/merdia aki. E comprado mas grandi e mainta ey tawata Meneer di aardrijkskunde, alaves presentador di su programa radial na Magic FM, y hopi biaha e mihor



maestro di ceremonia Addonsito Croes, cu a compra buki for di tur e 5 autornan. Ta pesey e ta asina sabi ! Un mas cu ta gusta lesa buki. Corda cu awor mucha bau di 18 anja por bira miembro gratis di Biblioteca Nacional di Aruba. Nos ta conclui nos relato di e siman aki, felicitando sra. Astrid Britten, director di BNA cu su premio maximo ricibi durante e conferencianan di Acuril cu segun nos por a lesa, a tuma lugar na nos isla ruman Corsouw recientemente. Nos ta spera cu e tatanan cu ta

tatanan di berdad a pasa un dushi y bon Dia di Tata cu y den nan seno familiar y nos ta gradici tur nos lectornan pa boso atencion di lesa nos relato tur siman. Nos ta skirbie cu hopi amor, specialmente pa esnan manera Ruthy cu no por anda bon cu cosnan digital y computariza. Danki cu ainda tin corant di papel cu tur noticia bon y malo pa informa y re-educar nos tur cu cosnan cu ta pasa di berdad y no di ganja ganja "make believe". Pasa un bon dia yen di alegria ! Un "bearhug" di Lady Ruth.





# CHACO TAEKWONDO ACADEMY A SALI BEST TEAM DEN ARACARI TAEKWONDO CUP



Diasabra ultimo Brazil Taekwondo Stichting a organisa e di tres Aracari Taekwondo Cup.


Aracari Taekwondo Cup ta e di dos clasificacion pa e 30 Best of the Best 2025. Tur scol di Taekwondo cu a participa a entrega nan lista di 7 bringado pa bringa pa e Best Team Cup.

















Chaco Taekwondo Academy bou guia di Grand Master Melvin Rasmijn, Master Yoshmar Wever y Master Miguel Genser a bin bon prepara cu nan team y a logra gana e copa cu un total di 45 punto.



Brazil Taekwondo Stichting ta gradici tur scol di Taekwondo cu a participa y ta felicita Chaco Taekwondo Academy cu nan logro den Aracari Taekwondo Cup 2025.



Paardenbaaistraat 10, Oranjestad, Aruba Tel.: (297) 525 - 7555  
www.lottoaruba.com  
Resultado: Sorteo di Merdia - June 16, 2025


 <div>Sorteo # 4651</div> <div>3107</div> <div>5074</div> <div>0434</div> <div></div> <div>X5</div> <div></div> <div>Sorteo # 4651</div> <div>6308</div> <div></div> <div>X5</div> <div></div> <div>Sorteo # 2707</div> <div>2879</div> <div></div> <div>Sorteo # 4651</div> <div>7329</div> <div>Capricornio</div> <div></div> <div>Sorteo # 1525</div> <div>229</div> <div></div> <div>X2</div>	<div><div>Sorteo #</div><div>0 x Jackpot</div><div>0 x Match 4+</div><div>0 x Match 4</div><div>0 x Afl. 12,00</div></div> <div>Joker</div> <div>Letter</div> <div>Proximo Jackpot</div> <div>150.000,-</div>	<div><div>Sorteo # 6857</div><div>0 x Jackpot</div><div>2 x Match 4</div><div>95 x Afl. 8,00</div></div> <div>09-12-18-23-27</div> <div>Proximo Jackpot</div> <div>52.000,-</div>	<div><div>Sorteo #</div><div>0 x Jackpot</div><div>0 x match 4</div><div>0 x Afl. 500,00</div><div>0 x Afl. 50,00</div><div>0 x Afl. 15,00</div></div> <div>Mega Ball</div> <div>Proximo Jackpot</div> <div>500.000,-</div>	<div><div>Afl. 750.000,-</div></div> <div><div>Sorteo #</div></div> <div></div>
---	--	--	--	--

















SOLODIPUEBLO@GMAIL.COM  
CEL.585 9500







Paardenbaaistraat 10, Oranjestad, Aruba Tel.: (297) 525 - 7555  
www.lottoaruba.com  
Resultado: Sorteo di Merdia - June 16, 2025

 <div>Sorteo # 4652</div> <div>6162</div> <div>5223</div> <div>6129</div> <div></div> <div>X2</div> <div></div> <div>Sorteo # 4652</div> <div>1071</div> <div></div> <div>X2</div> <div></div> <div>Sorteo # 2708</div> <div>9432</div> <div></div> <div>Sorteo # 4652</div> <div>3063</div> <div>Tauro</div> <div></div> <div>Sorteo # 1526</div> <div>434</div> <div></div> <div>FP</div>	<div><div>Sorteo #</div><div>0 x Jackpot</div><div>0 x Match 4+</div><div>0 x Match 4</div><div>0 x Afl. 12,00</div></div> <div>Joker</div> <div>Letter</div> <div>Proximo Jackpot</div> <div>150.000,-</div>	<div><div>Sorteo #</div><div>0 x Jackpot</div><div>0 x Match 4</div><div>0 x Afl. 8,00</div></div> <div>Proximo Jackpot</div> <div>52.000,-</div>	<div><div>Sorteo #</div><div>0 x Jackpot</div><div>0 x match 4</div><div>0 x Afl. 500,00</div><div>0 x Afl. 50,00</div><div>0 x Afl. 15,00</div></div> <div>Mega Ball</div> <div>Proximo Jackpot</div> <div>500.000,-</div>	<div><div>Afl. 750.000,-</div></div> <div><div>Sorteo #</div></div> <div></div>
---	--	--	--	--



# DIA MUNDIAL DI TURTUGA DI LAMA: ARUBA TA REAFIRMA COMPROMISO PA PROTEHA SU BISHITANTENAN ANCESTRAL

ORANJESTAD - Awe, 16 di juni 2025, riba Dia Mundial di Turtuga di Lama, Aruba ban uni cu e comunidad global pa celebra e magnifico criaturanan aki, un especie unico, y asina nos ta renoba e compromiso pa nan conservacion. Nos ancestronan a wak nan, generacion tras generacion a mira e turtuganan di lama bolbe bek y subi riba nos beachnan prestigioso, pa pone nan webonan. Pero tin un urgencia y comunidad ta preocupa pa e menasanan creciente cu ta pone nan existencia na peligro. Directie Natuur en Milieu (DNM) ta traha maneho pa aporta na un naturlaesa y medio ambiente saludabel pa bestianan manera e turtuga di lama tambe.

Aruba ta orguyoso di ta un sitio na unda e turtuganan di lama ta yega y ta sinti nan na cas. Pa añas e turtuganan di lama manera e drikiel ta bin bishita nos. Hopi tambe ta e boluntarionan di Turtuga Aruba Foundation cu ta yuda pa monitor ora e bestianan aki yega y tambe ora e webonan broei y cu e yiunan sali y por haya nan caminda pa lama. Pero no ta e drikiel so ta bin den nos awa territorial, e turtuga di lama, turtuga blanco, tambe ta un popular. E criaturanan noble aki ta bolbe cada aña na e mesun beachnan unda nan mes a nace, un testimonio di e naturalesa pristino di nos ecosistema na nos costa. Sinembargo, e desaroyo rapido y e impacto di turismo den cantidad halto, aunke esencial pa nos economia, ta presenta desafionan significativo pa e habitat critico aki.

Preocupacionnan ta hopi entre e comunidad Arubano cu e crecemento



por yega na un punto caminda e turtuganan di lama lo no sinti nan sigur mas pa bolbe aki pa pone nan webonan. Manera cu DNM ta trece dilanti ta cu, no por permiti cu desaroyo ta stroba e chens pa e turtuganan aki por sigui existi. Mester wak e na e manera cu ya nan ta parti di nos herencia natural y un indicacion di e salud di nos medio ambiente marino.

Ademas di e menasa di perdida di habitat, e turtuganan di lama ta confronta peligernan grave pa motibo di redanan di pesca abandona y e aumento alarmante di contaminacion di plastic den nos oceano. Hopi turtuga ta keda pega den e redanan aki, of ta confundi saconan di plastic cu 'jellyfish', y

ta resulta den heridanan grave of ta muri.

Riba e Dia Mundial di Turtuga di lama aki, Aruba ta haci un yamada urgente pa accion:

- Pa desaroyo sostenibel: Nos ta boga pa bon planificacion entre desaroyo y conservacion, pa sigura cu e areanan na unda turtuga ta yega ta keda proteha y controla pa actividadnan humano. Esaki ta inclui regulacionnan stricto pa cu iluminacion na costa cu por desorienta e bestianan.

- Practica di piscamento responsabel: Nos ta urgi nos piscadonan local y turistanan pa adopta practica di pesca sostenibel, evitando redanan of liña di pesca cu ta keda bandona y pa elimina desperdicio di

piscamento na un manera responsabel (saco cu has ta bin den dje).

- Reduci uzo di plastic y mas conscientisacion: Nos ta reitera nos compromiso pa reduci e uzo di plastic di un solo uzo y ta pidi cada individuo pa tuma accion den campananan di limpieza di beachnan y pa uza productonan reusable. Conscientisacion publico tocante e peligro di plastic pa bida marino ta importante. Tene nos beachnan liber di e desperdicio cu bo ta trece pa uza riba bo 'beach day'. Gobierno di Aruba y su departamentonan concerni hunto cu organisacion no-gubernamental local manera Turtuga Aruba Foundation, ta trahando diligentemente pa monitoria e areanan unda

turtuganan ta pone webo, proteha e webonan, y den caso cu mester tambe rehabilita turtuganan herida. Sinembargo, e esfuersonan aki tin mester di e cooperacion di cada ciudadano y bishitante.

Turtuganan di lama ta un simbolo di resiliencia y un indicador di e salud di nos planeta. DNM ta invita tur hende na Aruba pa reflexiona riba nos rol como cuidado di e ecosistema fragil aki.

Laga nos traha hunto pa sigura cu futuro generacion tambe por logra mira con e turtuganan di lama bolbe na nos costa. Aruba ta keda un hogar pa e turtuganan di lama, y cu e compromiso di nos comunidad, nos por sigura cu nan ta sigui existi den nos awa cristalino y bolbe riba nos beachnan.



# GOBIERNO DI ARUBA REAFIRMA SU COMPROMISO PA PROTECCION Y BIENESTAR DI ADULTO MAYOR



Diasabra 14 di juni, Minister di Salubridad Publico drs. Mervin Wyatt-Ras, a asisti na un simposio organisa pa Fundacion Alzheimer Aruba cu a tuma luga na MFA Santa Cruz, relaciona cu Dia Internacional di Conscientisacion di Abuso di Adulto Mayor. E tema global pa e aña aki, “No excuse for Elder Abuse”, a sirbi como punto di salida pa reflexiona y tuma accion den e lucha contra abuso den diferente forma. Gobierno di Aruba ta reconoce cu abuso di adulto mayor no ta solamente un asunto familiar, pero un reto pa salubridad publico y violacion di derechonan humano. Abuso fisico, emocional, sexual, financiero, negligencia of abandono, tur ta manifestacionnan di un

problema cu, aunke hopi biaha ta keda scondi, ta laga cicatriz profundo riba victimanan y comunidad. Segun Minister Wyatt-Ras, prevencion ta fundamental y esaki ta rekeri conscientisacion, educacion y un comunidad cu laso fuerte, caminda adultonan mayor por haya apoyo y proteccion. Fortalece e sistema di cuido, acceso na servicio, y un ambiente sigur y confiabel ta prioridad pa Gabinete AVP-Futuro. Mirando cu Aruba ta enfrentando un vergrijzing di su poblacion, di cual mas cu un cuart di e habitantenan ta riba 60 aña, e necesidad pa tuma accion awo ta urgente. Minister Wyatt-Ras a enfatisa cu e cuido y proteccion di adultonan mayor ta hancra den e



## HOTLINE



### 744-0444

## CAPT'E Y MAND'E



plan di gobernacion. E enfoko di Gobierno ta riba:

- Fortalece e cuido na cas y institucional;
- Mehora e acceso na servicio sigur y accesibel;
- Promove un sociedad inclusivo, den cual respet y proteccion di adultonan mayor ta e norma.

Minister Wyatt-Ras a subraya cu prevencion no ta solamente un tarea di Gobierno, sino un responsabilidad comparti cu tur sector: profesionalnan di salud, cuidado-, famia-, bisiña-, y organisacionnan civico. E simposio a brinda un plataforma valioso pa dialoga, intercambia conocimiento y fortalece e

cooperacion pa un Aruba na unda tur adulto mayor por biba sin miedo, y cu e dignidad cu nan merece.

Minister Wyatt-Ras ta felicita Fundacion Alzheimer Aruba pa nan dedicacion y ta gradici tur participante pa nan compromiso den e lucha contra abuso di adulto mayor.



Avancando cu un proyecto pa aporta na nivel di maneho y planificacion

# JONATHAN WEVER TA EXITOSAMENTE TERMINA E SEGUNDO MODULO DI MEMOS

Recien Director di Operacion di Comité Olimpico Arubano, Jonathan Wever a logra termina exitosamente e segundo modulo di MEMOS (Executive Masters in Sport Organisation Management) cu a tuma luga na cede di Comité Olimpico Mexicano. Durante e modulo aki, a presenta e progreso di e proyecto inicial cu a propone durante e prome modulo november ultimo, unda a duna e conclusionnan cu a sali e encuesta cu a haci ademas di e grupo di discusion cu personan clave dentro di e mundo di deporte. E investigacionnan y e conclusion di esakinan lo ta e base pa e proyecto cu ta elaborando, unda ta busca pa traha un producto pa e federacionnan miembro di COA y demas organisacionnan



deportivo pa aporta cu aspectonan di maneho y planificacion. di lomba, ta sigi traha pa termina e proyecto pa asina presenta e version final na luna di november 2025. #TEAMARU



# SUDOKU

	3		2		9		7	
9			4	1	3			8
		1		7		3		
7	1			4			9	5
	8	6	9		7	4	3	
5	9			2			8	7
		8		6		9		
6			1	3	2			4
	4		8		5		6	

		6	7		4	9		
	5			6			8	
2								5
3								1
1								2
	8						3	
		7				6		
			3		9			
				8				

	7			6				9
6			5				8	
		4				7		
	3				6			
2				5				8
			4				1	
		3				4		
	2				7			3
1				8			2	



# E DIES MANDAMENTONAN DI DIOS

1. Stima y adora bo Senyor y bo Dios di henter bo curason, di henter bo alma, di henter bo sentir, di henter bo ser y mas cu tur cos di mundo y stima bo prohimu manera bo mes.

Akinan nos mester stima Dios mas cu nos mes y mas cu nos famianan.

Den e Ley di Dios aki ta prohibi nos di kere y di participa, den bruheria, den medium, den diosnan falso, den organisacionnan satanico, den illuminatienan, den reiki, den reincarnacion, den pactonan satanico, den hypnotismo, den horoscopo, den yoga, den quija board, no pone tatuahenan riba curpa, no marka e 666 riba curpa y no pone e microchip den bo curpa etc. E mesun ley di Dios ta bisa tambe, di stima bo prohimu manera bo mes. Akinan nos mester stima tambe e pobernan, e chollernan, e drogadictonan, e handicapnan, esnan mentalmente malo, bo enemigonan, esnan di tur rasa y religion. Pero nos no mester stima nan pikanan y nan errornan cu nan ta biba aden.

2. No usa e nomber di Dios sin mester.

No menciona e nomber di Dios den bo dichonan y jokenan bulgar, den bo palabranan di blasfemia, den bo palabranan malo etc.

3. Santifica dia di Senyor.

E dia di santificacion ta riba Diadomingo dia cu Cristo-Hesus a resucita. Diadomingo ta dia di descanso y e no ta un



dia di traha den trabao. Diadomingo ta un dia di famia na unda tata y mama ta tuma tempo pa nan yiunan y tambe di bishita famianan. Diadomingo ta dia di Senyor na unda tur hende ta bai Misa, pa Santifica Dios Su dia den e Santa Eucaristia. Akinan nos ta sigi recorda Cristo Hesus Su Pasion, Su Sufrimento, Su Agonia y Su Morto na Crus te dia E bolbe bini. Den e Santa Eucaristia nos ta ricibi E Curpa y E Sanger di Cristo-Hesus pa nos por tin bida eterna. Lucas 22: 19/20, Huan 6: 53/54. Bai Misa riba Diadomingo ta obligatorio.

4. Honra bo tata y bo mama.

Dios kier pa nos obedece nos tata y mama, pasobra Dios ta conseha nos y spierta nos pa medio di tata y mama. Yiunan cu ta tende y ta obedece nan tata y mama, nan lo haya e pas y e Felicidad den nan bida, den nan matrimonio y

den nan famia. Yiunan soberbia cu no ta honra nan tata y mama, nan bida lo bira desaregla y nan matrimonio lo fracasa. Yiunan, cuida boso tata y boso mama te dia cu Dios yamanan.

5. No mata.

Akinan nos mester respeta bida di tur ser humano. Ta Dios tin nos destino den Su man, pa nos laga e mundo aki. No comete crimen, no comete suicidio, no comete abortus, no comete euthanasia.

6. No comete adulterio.

Dios ta uni e pareha den un solo curpa den e Sacramento di Matrimonio den Misa y Dios no ta reconoce divorcio, Marco 10: 6-9. Na esnan cu a divorcia y ta bay biba cu otro persona, nan ta comete e pika di adulterio, Mateo 5: 31/32. Cristo-Hesus ta bisa, cu ningun di esnan cu ta comete e pika di adulterio, nan lo

no drenta den e Reino di Dios, 1Corinthionan 6: 9/10.

7. No horta.

Akinan nos mester respeta propiedadnan di otro, pasobra ta Dios ta duna nos tur loke cu nos

tin mester pa biba. Esnan cu a horta y ta debe otro, nan lo paga nan debenan den purgatorio despues di morto.

8. No lanta falso testimonio riba bo prohimu.

Ganjamiento y haci redonan falso ta un pika grandi. No instiga otro cu rabia riba otro, no yena otro cu falsedad y odio, no tuma consejo di personanan pecador y desvia.

9. No comete e pika di fornicacion y e pika di deshonesto.

E pika di fornicacion ta e relacion sexual prohibi pa Dios, cu ta e pika di curpa. Esaki ta esnan cu ta haci relacion den libertinahe sexual, esnan cu ta biba companja, esnan cu ta casa pa Raad so, e prostitutan y tur relacion sexual pafor di e Sacramento di Matrimonio, ta

condenabel. Den 1 Corinthionan 6: 9 / 10, Cristo Hesus ta avisa, cu ningun di esnan den fornicacion, nan lo no drenta den e Reino di Dios. E pika di deshonesto y di inmoralidad, ta e hombernan cu a kita nan tradicion natural pa bira homosexual y e muhernan cu a cambia nan tradicion natural pa bira lesbiana.

Muhernan a cambia nan tradicion natural pa esnan contra naturalesa. Mescos hombernan a kita nan tradicion natural cu muher y a inflama nan mes den e pasion cu homber, den oral y anal sex. Tambe, e hombernan cu ta masturba y ta usa condom pa benta nan spermanan afo, ta wordo condena. Muhernan cu ta usa tur sorto di anticonceptivonan, pa no sali na estado, ta wordo condena. Den Bijbel Genesis 38: 6-10, Dios

Tata a kita bida di Onan, pasobra Onan tabata benta su spermanan afo. Tur sorto di anticonceptivonan a wordo crea pa satanas pa stop Dios Su autoridad di procreacion humano. Romanonan 1: 26/27, Levitico 18: 22, Levitico 20: 13.

Den 1 Corinthionan 6: 9/10, Cristo Hesus ta avisa, cu ningun di esnan cu ta comete e pika di deshonestidad y e pika di inmoralidad, nan lo no drenta den e Reino di Dios.

10. No codicia cos di otro hende.

No codicia loke cu no ta di bo. No codicia e muher di otro, no codicia e homber di otro, no codicia su propiedad, no codicia su beneficienan. No sea envidioso, no sea avaricia, no sea soberbia y no sea lujuria.

Seferino Tromp  
Koyari 13-D Cell. 5931157 / 5870048  
Id. 57.11.22.40